

江陰縣志

卷五 卷六

五冊

地 220.16P

3P

部 = 15

江陰縣志卷之五

學校

學共三代所以明倫而殷序周庠與夏校並重蓋校以教民為義司徒敬敷人倫不可一日乖即鄉學不容一日廢漢興詔郡國立學嬴秦劫火之後庠序如林俎豆莘莘無殊登闕里之堂焉矧我

國家造士育材隆於三代宮牆咫尺瞻仰為殷有不欲廟貌巍然而徒拜經庚子也哉江陰經戶甲兵燹未遑他務而首建黌宮亦足見德教在人心而陶淑為有素矣志學校

江陰縣志

卷五

學校

一

宋軍故無學初建廟於觀風門外學者肄習其中後知軍

范宗古以鄰郡獄卜遷軍治之東南

景祐三年范文正記之

後廢

為營屯紹興三年知軍崔頌因廢稍葺之以縣丞莫份

攝教事五年知軍王棠始請於朝建命教堂東西齋四

日誠身遜志進德育英知軍富元衡徐藏詹徽之繼修

胡理鄭謬莫伯鎔皆有記

嗣是教授徐逢年重立講堂方萬里創設

義廩孫應成再建西序知軍顏耆仲重修東序拓泮宮

外門建御書閣

藏真宗使司御劄及

文宣王贊徽宗付河北羅大成殿額八行入刑碑高

宗御書孝經理宗作新士風碑

清孝公祠先賢祠

方萬里記之

初淳熙中知

軍樓鏐設貢院選士在愛日門外祥符寺之側開禧元



年知軍戴溪遷於軍學之東其縣學榜附於講堂西偏屋而爲之名元豐二年縣令楊孝孺鑿學前河黃佖記之大觀四年常州軍知軍徐申穴內子城建縣學門作觀臺并內外二橋林虔記之

元州學仍宋知州張獻李師善翟諒相繼興作學宮舊有雙池植蓮其內上各有亭曰光風曰霽月歲久墟蕪大德五年張獻度地東南隅築室三楹名曰君子堂史孝祥記之至正間廟學燬於兵

明江陰侯吳良因故址創立廟學洪武三年知縣吳志遠重修十五年知縣王衡教諭鄭江建講堂於廟左二十

江陰縣志 卷五 學校

六年教諭蔡永升縣丞賀子徽議爲左廟右學乃更建於講堂址而以廟址爲明倫堂三十年知縣蔣宥增建戟門廨舍射圃宣德六年巡撫侍郎周忱知縣朱應祖重建大成殿明倫堂君子堂時習日新一齋楊士奇記之天

順六年知縣周斌購地拓學門李賢記之自是以後不治者

三十載宏治七年知縣黃傳始修之購民廬爲名宦鄉

賢二祠正德二年知縣劉紘復修之張愷記之外爲石坊門

入爲櫺星門又入爲泮池方廣十五畝發石兩厓卽宋學前河也池上架

石爲橋者三穿爲九洞橋北爲戟門左右爲兩翼戟門

北中爲正殿殿前爲月臺殿東西爲兩廡西廡之右南

嚮爲祭器庫東嚮爲刑牲所是爲廟制並廟門而東爲
儒林坊入爲學門循東牆踰橋西折而北爲二門曰禮
義相先之地又折而西爲正爾容門由門循廟而北正
中爲明倫堂堂後爲奎文閣東爲時習齋西爲日新齋
齋左右翼以樓由時習齋入南嚮爲君子堂由日新齋
入南嚮爲養賢堂師生會
饌之所由正爾容門出而東爲教諭
廨君子堂後爲訓導東廨養賢堂後爲訓導西廨並教
諭廨而東爲射圃有堂曰觀德廟門之東爲名宦祠又
東爲興賢坊西爲鄉賢祠又西爲育俊坊是爲學制合
廟學周垣凡四百五十八丈九尺十一年知縣萬玘建

江陰縣志

卷五

學校

三

號舍九聯於觀德堂後凡五十四舍十五年知縣王泮次第

新之喬宇
記之葺奎文閣高賓
記之嘉靖七年知縣張集重修湯沐

記之購廟南民舍爲通衢鑿池跨橋旁立廡屋八年知縣

劉欽順奉例建敬一亭介明倫堂奎文閣間十年知縣

李元陽奉例建啟聖公祠呂枏
記之在觀德堂前正南爲殿

中祀啟聖王以先賢顏路曾皙伯
魚孟孫氏程珦朱松蔡元定配殿左右爲齋室前爲

正門門左爲碑亭右折而出爲外門改射圃於外泮南

爲門門內兩旁爲亭左亭刻道
統聖賢贊又正北爲青雲樓有講
學行

禮樓後爲屏東西垣爲角門垣之外爲委巷十八年知

縣孫應奎修齋樓二十一年知縣吳維嶽修戟門撤廟

門坊爲學門額斯文在茲增吏舍一區萬歷初知縣劉守泰

重修廟學劉光濟記之二十六年兵使彭國光知縣劉學周

復議修復教諭王之夔董其事李科記之三十七年知縣許

達道教諭戴士傑訓導李應鏗王德倓建聚奎亭於啟

聖祠之東南時祭器多殘失德倓獨修補之其後知縣

宋光蘭建講習堂於聚奎亭後崇禎元年署縣武進令

岳凌霄修造鄉賢祠大成殿鼎餅敝壞教諭江之湘鳩

費重鑄東齋傾廢訓導潘洪度修復六年學使甘學闡

捐濬學河十年學使倪元珙令訓導莊繼光督修庀材

鳩工銳然更始殿堂門廡階礎墉垣俱極堅精十一年

江陰縣志 卷五 學校

四

教諭譚振舉濬學宮前印池得古井闌爲宋治平間物

國朝鼎新值明季兵燹後自大成殿明倫堂外俱榛蕪不治

順治九年教諭陳鎰創爲修復規制粗備嗣後學使石

申張能鱗相繼修之能鱗有記康熙中知縣何爾彬翼之怡

教諭宗章峻次第增葺二十三年知縣陸次雲加潤色

焉雍正四年知縣祁文瀚倡捐大修令紳士夏敦禮董

其事正殿齋樓稍已改觀乾隆二年知縣蔡澍始大興

作首建明倫堂學使張廷奉例擴啟聖祠爲五王殿作

兩坊以節行人東曰金聲西曰玉振更彙征樓爲坊濬
河池葺隄防改園橋繚石垣凡昔之因陋就簡者至是

而規制大備

學使劉藻記之

五十三年學使沈初知縣牛兆奎

重修邑紳趙時煦董其事始於春三月越明年仲秋功

竣自大成殿而外次第修整自彙征橋而入則崇聖祠

易建一新

王曙記之

進賢門內莫不整飭邃嚴又數十年名

宦鄉賢祠之儼於外者俱還舊觀

詳見學使沈初碑記

時煦又念

後有損壞隨時修葺則不致工鉅費繁捐置沙田若干

畝歲入租息若干緡以為歲修之費

初年收租貯存官庫

自嘉慶

十八年以來縣諭董事分任收租督工之事道光六年

以前祝純嘏董之修改戟門左右翼為文武官致齋所

加高宮牆十數丈石刻

江陰縣志

卷五

學校

五

聖像

舊近神案高不逾几至是崇奉於神堂高座道光七年陳

培因董修鬢門通行加高宮牆修葺泮池三橋易木闌

以石建宰牲亭於鄉賢祠之南九年至十二年董事祝

登墀張世承築黃石牆五十八丈九尺覆以麻石修建

學頭門加高五王殿十三年後登墀子維祺仍借張世

承董理工程修尊經閣大成殿戟門易其朽腐重製配

序神位神櫺神案又道光元年學使姚文田相視陰陽

濬學前河而折旋其東南塞學後河而瀦蓄其西北邑

人士遂於六年集資疏濬深廣撤舊磚橋購民房移金

聲玉振兩坊及下馬碑於河之北增建石橋於玉振坊

之西改彙征橋以石兩橋之間重甃石岸上締石闌於是河流通暢氣象更新此規制之大略也其祭器樂器殘缺未備者知縣單澧張南圭蕭瑾王澧陳希敬相繼修整增益每歲春秋致祭習舞明禋禮儀節度故人皆稱廟學規模宏敞肅穆上丁釋奠恭敬整齊而鄰邦問禮來者踵相接也咸豐十年燬於粵匪所存者殘缺不完之石梁與石岸石坊而已同治二年克復城垣後春秋致祭借邑廟行禮教官兩學署俱賃民房六年知縣顏雲階詳請建復邑紳陳榮邦等董其事先建櫺星門戟門東西官舍翼宮門明倫堂東西旁屋崇聖祠頭門

江陰縣志

卷五

學校

六

儀門於是上丁祀事始有考鼓論鐘之地光緒元年廟工續竣建大成殿及左右旁廊東西兩廡祭器樂器房名宦鄉賢兩祠宰牲亭文廟坊金聲玉振坊廟左右坊屏牆其修砌添築者泮池三橋及玉帶河石闌礮岸狀元彙征兩橋石碼圍牆以大包小各有分界明倫堂之前續建時習日新兩齋東西學署房屋西角門進賢門二門以至頭門又續建崇聖祠正殿而後規模始備祀事孔明矣前屆計工料錢一萬八百八十餘千係清糧節省餘款後屆計工料錢二萬九千七百九十餘千由每畝捐錢七文共收六忙

廟制

大成殿

三間中龕舊奉至聖先師石刻像庚申兵燹

尺三寸七分闊四寸厚七寸五分座高四寸闊七寸厚三寸

朱地金書至聖先師孔子神位旁列兩龕東奉

復聖顏子述聖子思子位西奉宗聖曾子亞聖

孟子位東西嚮位高一尺五寸闊三寸二分厚五分座

高四寸闊六寸厚二寸八分俱朱地金書東西序各一

龕東奉先賢閔子損冉子雍端木子賜仲子

由卜子商有子若位西奉先賢冉子耕宰子

子冉子求言子偃位顯孫子師賢冉子子熹位亦東

西嚮位高一尺四寸闊二寸六分厚五分座高二寸六

分闊四寸厚二寸俱朱地金書殿屋正懸

御書匾額今尚

未及恭摹懸掛

月臺

關中左右三階以石

兩廡

東西各七間東祀先賢公孫僑林放原憲南宮适商

左人郢鄭國原亢廉潔叔仲會公西與如邾巽陳亢琴

雕哆公西赤任不齊公良孺公肩定鄒單罕父黑榮旂

江陰縣志

卷五

學校

七

張步叔乘秦非顏噲顏何縣直牧皮樂正克萬章周敦

頤程顥邵雍先儒公羊高伏勝毛亨孔安國后蒼許慎

鄭康成范甯陸贄范仲淹歐陽修司馬光謝良佐羅從

彥李綱張栻陸九淵陳淳真德秀何基文天祥趙復金

履祥陳澧方孝孺薛瑄胡居仁羅欽順呂柟劉宗周孫

奇逢陸隴其張伯行其七十三位西祀先賢蘧瑗施顏

滅明宓不齊公冶長公皙哀高柴樊須商澤巫馬施顏

辛曹卹公孫龍秦商顏高壤駟赤石作蜀公夏首后處

奚容蒧顏祖句井疆秦祖縣成公祖句茲燕伋樂欬伙

儀公都或公孫丑張載程頤先儒穀梁赤邱明秦冉公明

舒劉德毛農杜子春諸葛亮王通韓愈胡瑗韓琦楊時

丹堦

甬道三條拜臺兩

儒位高一尺三寸四分闊二寸三分厚四分座高二寸

丹堦

甬道三條拜臺兩

三分闊四寸厚二寸四分闊二寸三分厚四分座高二寸

祭樂器庫

庫器

舊各三間在兩廡之南東西相嚮舊為文武官致齋所今移於戟門旁以東為祭器庫西為樂

戟門

三間亦曰大成門

齋房

東西各三間即戟門之左右翼也為文武官齋房今各四間

泮池

方廣畝許界池為甬道三道各一橋

櫺星門

三橋之南斷石為柱朱欄門三門之內外繚以周垣塗以丹雘

名宦祠

三間在櫺星門外左詳祠廟

鄉賢祠

三間在櫺星門外右詳祠廟

宰牲亭

在鄉賢祠南

文廟坊

在櫺星門外正中面河

江陰縣志

卷五

學校

八

玉帶河

舊引城內濠之水東自龍頭橋入口經鴻漸橋繞形勢鈴束狀如玉帶其舟楫往來皆由學後繞而西道

金聲玉振坊

先是廟門前為通衢乾隆六年增建兩坊於左右立柵門以節行人在玉帶河之南道光

屏牆

設兩穴為龍眼前為止步街街南為外泮池

廟左右坊

東曰德配天地西曰道冠古今

黌門

廟側門也在戟門外之東旁文武官行香至門外下與馬

崇聖祠

舊為啟聖祠雍正中奉例擴而新之殿三間南嚮五龕以次而前中供

昌聖王伯夏公右次供

裕聖王祈父公右供

昌聖王叔梁公神位

啟聖王防叔公左次供

肇聖王木金父公左供

論聖王防叔公左次供

啟聖王叔梁公神位

昌聖王伯夏公右次供

位制同 孔氏鯉 先師東旁設 先賢孔氏孟皮 顏氏無繇 位制同 四配次東設 先賢曾氏皙 孟孫氏激位 蔡氏元定位次西設 先儒周氏輔成 程氏珦 同十二哲其前儀門三問又前為外門初時與賢門遙對乾隆五十二年重建改為南嚮加以圍牆左右立柵門下 馬碑

學制

彙征坊

學署之前向為彙征樓歲久且圯乾隆七年改建為坊對坊街南俱係民居加砌照壁

彙征橋

在彙征坊內跨玉帶河道道光六年重建

頭門

三間榜曰儒學內有大司成坊詞林正氣坊俱詳見坊表

忠義孝悌祠

在頭門內並列者為雙忠祠貢公祠俱詳祠廟今未建

二門

三間中一間署云禮義相先之地東土地祠西城隍祠

江陰縣志

卷五

學校

九

進賢門

在大成殿左翼門外東嚮

明倫堂

在大成殿後三間兩翼屏門刻孟子居天下之廣

五舉子

一節今未刻歷朝碑石具厝於壁舊有同年十子齡解元鄭經三額歷朝文武鄉會貢舉題名今未懸

兩翼

左右設鼓鐘凡講學行禮丁祭習儀在焉

尊經閣

上下五間在明倫堂後閣下中間供文昌神位朔望於此行禮閣上供文昌神像尊藏奉頌

御纂諸書及經史子集

時習齋

在堂前東偏中三間通教諭廡南北各三間有樓前為步廊今無樓

日新齋

在堂前西偏通訓導廡制與時習齋同

教諭廡

在時習齋內中為君子堂三間其前有門南嚮其東書房四間其後內屋四間今少一間從屋一間

廚房

二間

訓導廡

在日新齋內中為養賢堂三間庭有門南嚮堂之東為書房一間後東嚮側廂二間內屋三間廚房二間時習齋迤南有智井上覆以屋係乙酉年節愍馮公之妻王氏暨節愍公之瞽姊殉節處訓導黃恩孫澍徵題石

三台墩

尊經閣後積土成堆築如三峯今學頭門內亦有三台墩云

祭器

錫方香爐一 錫登一 銅酒尊一 勺 簋二 簋二

銅爵三 錫爵五十 錫大方燭筓一對 錫次大方

燭筓八對 錫中方燭筓二對 錫小方燭筓十對

看燭十對 小圓燭筓一對 圓香爐二十 錫香盤

十 錫花瓶四 錫大酒壺一 錫釧二 酒盃一百

江陰縣志

卷五 學校

十

四十有八 焚燎爐一 銅提爐二 羊角燈二 紅

宮燈四 竹籩六十有六 木豆二百六十有六 帛

匣九 祝文版一 太牢俎一 少牢俎十有四 供

應盤九 小長盤二 收貯大櫥一

樂器

麾二 有架 旌二 有架 講鐘一 有架 特鐘一 有架 編鐘十 有架

六 有架 特磬一 有架 編磬十 有六 有架 大成鼓一 有架

應鼓一 有架 鼗二 有架 搏拊二 有架 祝一 有架 敔一 有架

琴二 有架 瑟二 有架 龍笛二 鳳簫二 笙二 塤

二 簾二 龍蓋一 有架 翟籥三十有六 有架 木笏六

送神鼓一有架 藍衫五十件 收藏櫥二 板箱一
書籍

欽依卧碑

欽定書經傳說彙纂部二 詩經傳說彙纂部二 春秋傳說彙纂部二

三禮義疏 四庫全書考證 學政全書部三

大清通禮部二 禮部則例部二 科場條例

文廟樂譜 四書文部二 墨卷

御纂周易折中部二 周易述義 詩義折中

春秋直解 日講四書解義部二 性禮精義部二

朱子全書部二

江陰縣志 卷五 學校 十一

御定孝經衍義部二

御批資治通鑑綱目部二

御製訓飭士子文 日知薈說部二 樂善堂賦

盛京賦 武英殿聚珍板書 補笙詩

采蕨得米詩 改教詩 平定金川碑文

文廟碑記

世宗上諭

聖諭廣訓

南巡盛典

十三經註疏 二十一史 明史書籍俱燬

學田

縣額學田共平圩埭蕩六百七畝三分有奇

內平田四百七十八畝四分有奇

分有奇 圩田二十五畝一分有奇 蕩八十三畝六分有奇

埭二 學額學田

共平埭河三百八十二畝六分有奇

內平田三百七十畝五分有奇

埭七畝七分有奇 河灘一畝三分有奇

兩共折實平田九百五畝一分一釐五毫

每年額徵夏麥一百八十四石七斗九升三合

秋米四百三十石四斗六升九合柴薪二萬四十一觔

隨時易價歲完條銀九十兩三錢三分三釐九毫漕米

五十六石九斗一升一合七勺解司庫銀二百十三兩

四釐凡有給廩賑貧聽學院赴司提用祭祀香燭等項

江陰縣志

卷五 學校

由司詳院撥給乾隆十年請定教諭訓導分管分收教

諭一半應解司庫銀一百六兩五錢二釐

內給贊禮生員膏火銀十

六兩暨陽書院生童飯食銀四十兩魏忠憲秋祭銀二

兩鄉賢徐之龍秋祭銀二兩繆文貞李忠毅秋祭銀一

兩九分四釐共銀六兩實解司正銀四十五兩四錢八釐

十一兩九分四釐 實解司正銀四十五兩四錢八釐

訓導一半應解司庫銀一百六兩五錢二釐

內給廩生膏火銀三十四兩兩暨陽書院山長脩膳銀二十兩魏忠憲春祭銀

二兩鄉賢徐之龍春祭銀二兩繆文貞李忠毅春祭銀

一兩九分四釐共銀五十九兩九分四釐實解司正銀四十七兩四錢八釐

續奉提解廩生膏火銀三十四兩實其解司正銀八十

一兩四錢八釐 宋故有田若干畝歲入米麥豆干餘石以供廩食元學廩則視宋為倍明洪武十五年撥田租六百石為師生俸廩及春秋二祭之費嘉靖二十四年知縣趙錦又籍民田若干畝為學田暨

民人張惠捐田六十四畝八分庠生湯齊捐田二十九畝一釐今歷時已久田畝無存附誌於此以不沒前人善之又雍正十二年奉憲檄撥慧凝菴入官沙田八十九畝九分六釐額租夏麥二石七斗三升秋米二十八石八斗一升歲收租息除完納糧賦外爲西學歲修費

修學沙田嘉慶三年邑紳趙時煦等呈買正興沙永興永盛等圩入官灘地一千九百四十二畝道光七年知縣葉維庚詳請轉科丈增灘地一百二十八畝六分有奇每年分別版租補糧共應徵收錢五百三十七千有奇除完蘆課外隨時支銷歲修經費

賓興田三十六畝七分五釐雍正五年海防同知李世金

江陰縣志

卷五

學校

三

捐置除完納錢漕外於賓興年給助鄉試士之不給者教諭掌之原額收夏麥八石七斗四升八合秋米二十四石二斗二升五合乾隆五十年減去麥三石一斗四升實徵夏麥六石一斗八升減去米十石二斗八升實徵秋米十五石三斗二升

吳公祀田十畝明學使駱駿曾置原額徵收夏麥三石秋米十石除完納錢漕外爲訓導吳公應芳祠祀之費易代以後佃農私鬻祀將中絕康熙六十一年知縣葉紹芳釐復酌減米租每年實收夏麥三石秋米七石其田坐落謝園鎮四保名字八百十號訓導掌之

景祐重建文宣王廟記

宋 范仲淹

吾夫子之道用則行而天下治舍則藏而天下亂譬覆載之仁無待於報照臨之明不求其助袞其服廟其神豈吾聖之心哉蓋後之明王尊道貴德而不敢臣故奉之以王禮饗之於太學昭斯文之宗焉成均博士范公宗古之守江陰也謹明命挺至誠黥豺狼之兇禮芻蕘之善廢典皆舉積訴咸辨清風之下人則嘯歌陽春之來物自鼓舞居一日命諸秀前席而言曰先師之堂前制未顯鄰於郡獄贖斯甚矣豈奉嚴之意耶然重於改作子大夫謂之何哉諸生拜而謝曰惟公之言惟士之望蓋請遷焉乃於軍治之前南隅藉高明審面勢擇工之善揀材之良登登丁丁不月而成堂焉巍奐廊焉徘徊大厦斯清高門有閤乃聖乃賢儼乎其位阼階以進依然金石之音彝器以新燦乎俎豆之事既嚴既翼以饗以時又命曰二三子服斯文履斯道存誠顏閔之際致化唐虞之上協吾聖之教也豈徒廟為哉諸生復拜而謝曰請事斯語矣

紹興奉詔新建軍學記

宋郡人 胡瑛

江陰縣志

卷五 學校

十四

紹興五年秋八月權知江陰軍事王棠請於朝曰軍故縣治有學蕪廢餘十五年士無所於業今升縣復軍法得視列郡應立學官教授員軍有閒田以畝計若干官籍其租士廩是充士之少若長願補學官弟子其員二百有四十敢冒以聞詔可於是左儒林郎范雱充軍學教授以其田贍學官一如所請未幾講堂穹宏兩序端直舍次艷深庖漏潔具學制大備其從事陳剛中曰禮天子命之教然後為學請以命教名堂屬其同舍郎胡瑛紀厥事乃為著其大畧而告之曰江陰古延陵也季子墓距縣治西三十里列在祀典廟食一方千歲相望遺風固可想也學官弟子朝夕肄業其中克究師友淵源所自勿貽前聞人羞則為無負矧軍興以來公私告匱朝廷為之捐田租命師儒一切靡所愛借所望於學官子弟宜如何嗚呼克威自勉爾矣抑子聞之魯僖公作頌獻馘獻功修頌宮故事職也長江之陰萬室之封軍無小足以為政信能治其賦役明其獄訟訓其桀黠而師其賢人毋遽薄此蕞爾壘者鄭人鄉校始議子產後且更誦其遺愛第徐觀之

紹定重修學記

宋知軍 方萬里

國朝自慶歷三年詔天下郡縣立學江陰為浙右小壘宜以是年應詔及按圖誌蓋自景祐三年文正范公作宣聖廟記已誦言大廈高門金石俎豆之盛則知江陰先自有學正不在慶歷應詔後也惟江陰建學為最久故人物儲美習俗陶粹有他郡所不能及渡江以後郡嘗一廢為縣旋復為郡故廟學得如舊制漕河旁環正合古諸侯半水之義其前闕城為門因城為樓浮圖對峙如卓筆池葉隄柳映帶左右蓋其藉高明挹清淑宅一郡之形勝者也獨樞星門外迫泮橋內連設戟淺隘弗稱稍南百步直接通衢僅以升俊名坊而編氓翼居器雜特甚自昔病之紹定元年龍谿顏侯耆仲來守是邦易升俊坊於中街之西撤去民屋拓為平壤遷樞星門於坊之舊址柱石壯偉丹堊鮮明宸奎傑閣泮宮城樓華匾新題照映霄漢東西齋序整飭遂嚴會不閱時變宇改觀維顏侯以淳熙法從之孫掇世科躋班著其為郡也政平訟理千里如春利興害除百廢具舉諸生被侯之賜方深而侯以擢去然則是記也其遺愛之碣也歟

重修廟學記

明楊士奇

江陰縣志

卷五 學校

圭

太祖高皇帝正大統之三年詔嶽鎮海瀆封號如古制以山水稱忠臣烈士稱當時初封出於歷代所加者一切罷去孔子明先王之要道為天下師以濟後世非有一功一方一時者比封爵宜如歷代所尊榮著於令典垂之千萬年而定鼎之初首建學立廟京師親臨釋奠又詔通祀於郡縣又詔罷從祀之戾於孔氏者所以揆前聖之大中而垂永代之鴻範也江陰縣學歲久而敝侍郎周君巡撫過之作大成殿十有六楹東西兩廡各三十有四楹殿之後為明倫堂亦十有六楹東西兩齋各四十四有楹庖廩門垣咸備以固高敞宏麗加於舊規相斯舉者知縣朱應祖縣丞吳得勝胡旭主簿胡忠而忠始終效勤經始於宣德六年二月成於明年六月記作於十年十有一月

重修文廟儒學記

明郡人張愷

江陰常之屬邑其學自國初吳襄烈公良因宋元舊址創而為之宣德間巡撫侍郎文襄周公忱嘗加修葺迄今百餘年間因陋就簡補葺頽廢匪無其人而梁棟之敝蠹渠道之湮塞規制之湫隘蓋未有創建而改作之

者正德丙寅進士劉君紘釋褐來領縣事顧瞻廟學或
敝或陋未稱所以安明靈崇教化之意圖欲撤而新之
諸生方謨輩偵君之志有足為也因以請焉而君懽然
以為己任遂因眾舉越召義民陳譜陳天祥湯楷蔣鈺
與之規畫經費相度地宜鄉人樂之士輸其財民布其
力乃鳩工市材卜日興事經始於丁卯四月閱再歲而
功成焉其廟制則新大成殿而廓其兩廡東西各增其
楹若干構大成門而展其兩隅左右各增其楹若干露
臺中墀軒豁宏敞乃因池為泮者一而半實以土架石
為梁者三而九穴其洞又因元豐故迹就邑士徐推官
鼎所獻腴田穿河通渠為丈計者長以百為尺計者廣
三十水泉環繞氣脈流通為泮東橋為櫺星門為大成
宮門雕欄石楯丹碧熒煌而於宮垣之外大書刻石以
節往來於是巍然煥然歲時對越有常尊矣其學制則
於廟之東偏匾儒林坊於門外闢縣學門於坊內明倫
有堂而禮義正容二門透迤而入奎文有閣而時習日
新兩齋對峙而起屏障設而內外以嚴藻繪設而觀瞻
有具至若禮器有庫牲殺有庖齋宿有館賓僚有廡養
賢有堂儲粟有廩觀德有圃紀功有亭凡有事於學者
無所不備而諸生敬修習業有常處矣由是進而升焉

江陰縣志

卷五 學校

六

有以興其宮牆日月之思退而學焉有以致其仰鑽瞻
忽之力廟學之建於是大備君安福人也自其伯祖忠
愍公以春秋起家名聞天下代有顯人其得於聖人之
教深且厚矣君之來官才足以達於政德足以感乎民
於是舉也不傷民力不費公帑運之一心而有餘君既
以政最徵入諫垣方大厥施而以計聞合學諸生恐君
之功泯而無傳乃介吾友張瑀屬愷為之記
愷亦世家暨陽敢忘所自遂述其梗槩如左

重修儒學記

明邑人 湯沐

惟嘉靖丙戌冬鼓城張侯集來治縣事號令明肅境內
悉治越明年冬季議新廟學謂茲仆者宜起卑者宜崇
背者宜順毀者宜聖廟宮之前民居多雜制非所宜民
喻侯志咸願樂從侯以倍值償之得顧問輩宅址若干
畝庀材鳩工慎選督視撤其遺構中通為甬道旁為兩
廡跨池梁者一直南為屏翼以二亭復於復道之東西
各樹一坊以表鄉士臺寺之長職庶成召諸賈客居之
以售書籍若槐市然其若大成坊同年舉子坊鼎新以
建三台墩復增築之玉帶後河勢若相戾鑿為月堰俾
環之堂閣齋廡亭圍庖廩亦皆次第加葺不數月功告

成教諭何君連訓導陳君思順陳君懋德率諸弟子某
某委記於予予因謂之曰諸君知侯作新之意乎夫宮
牆可以譬吾道之淺深堂室可以喻入道之次第高明
中庸廣大精微故修德凝道所從事者也承學者來游
來歌得其門踐其域能不反觀近取靜存動察以求得
聖賢之依歸以無負乎君師之養育而敢暴棄安於卑
小巖僻之爲非予之望也此固侯今日作新之意也抑
侯之尊甫中丞公嘗爲御史提學茲土今日及門之士
尚有所佩其格言奉其餘矩者則侯之斯舉孰不曰承家
之孝有司六事學校爲首侯能急之又孰不曰體國之
忠曰忠曰孝政事顧不偉歟矧斯役也費出於義助工
樂於子來程畢於旬朔則侯之才之賢足徵矣相成者
丞鄭自璧右文之意爲多予不佞遂摭爲之記

重建明倫堂記

國朝學政 張廷璐

學宮之有明倫堂士子以時講習其中人材於是乎出
風俗於是乎成三代盛時庠序學校之取義胥未有易
此者江陰古延陵地禮讓之遺舊矣而科名文物之盛
則肇於宋時傳者謂學之立亦自宋始按志載范文正

江陰縣志

卷五 學校

七

公廟碑守江者爲范宗古乃大興學其記中特褒美之
而勉以致唐虞之化協至聖之教云蓋景祐三年也由
宋迄明代有改易然講堂常在廟之左至洪武間以教
諭蔡允升議左廟右學乃移廟於講堂址而以廟址爲
明倫堂宣德七年巡撫周文襄更規制檄縣令朱應祖
董其事是時察院署在江邑卽今學使者駐節處也恭
遇我

朝文

命視學

治日新惟江邑以使者駐節故學之制視他邑尤擴每
當試時士子環集堂中典書習禮鏘如肅如願其制旣
擴時久卽傾雖小葺之難復其舊先是雍正四年宗伯
文定楊公捐千金大治殿廷時邑令山右祁君爲主倡
而於斯堂未暇及也歲庚戌余奉
率諸生謁廟畢升明倫堂左右環顧棖題就朽牆宇半
頽卽謀所以整之者會邑令多相繼移去莫主其事及
余三任於此而古青蔡君實來乃曰及今不治後難圖
也集邑之縉紳議修君捐俸首倡邑人莫不踴躍材不
賦而羨匠不發而多越半載而告成比子再歸謁廟而
朽者新頽者整金碧輝煌頓革厥觀矣夫數十年之補
苴而未逮者惟賢令之一倡而人爭鼓舞以從之何其
神以速也戊午冬余事竣還

人士環請曰願有記余重令尹之賢視范宗古朱應祖
有其過之愧余以九年按部無能若文襄之倡率獨深
有味於文正之語之果
親見於今也於是乎書

君子堂記

元同 史孝祥 知

暨陽郡庠之南古有雙池蒔以荷花表以嘉樹古類水
之制也二小亭翼然池上日光風日霽月為學者詠歸
游息之地歲久亭墟地亦蕪穢不治其為士者病之大
德五年張侯時舉來牧是邦暇日過焉臨池徘徊思起
其廢乃度地東南隅築堂三楹以面之陶清鑄明局勢
顯敞翕受佳致涵泳聖涯每南薰微來清馥橫度亭亭
淨植露卷雲舒亦美觀也夏五月堂成侯與賓客來游
欣於所遇池葩岸卉亦有悅色乃舉酒屬客問所以名
蜀客史孝祥復於侯曰夫中通外直不蔓不枝可以遠
觀不可褻玩是為花之君子茲非濂溪先生之語乎先
生憫世道之胥濁感斯花之獨清較德評芳而以君子
之名加之其旨深矣今堂近在宮牆之中而玩芳領勝
其間者皆吾黨之士也游聖人之門觀君子之花味先
儒之訓吾意日擊道存心融意會其同為成德之歸斯

江陰縣志

卷五 學校

六

昭昭矣請名君子之堂而寓盤孟几杖之訓以為二三
子進德修業之助不亦可乎侯喜而笑曰命之矣君其
為我書之孝祥曰諾乃
詠其事而為之記如此

復吳公祀田記

國朝邑人 楊名時

學之西齋祀吳文譽先生其來舊矣先生諱應芳浙之
歸安人前嘉靖時以明經訓導吾邑有德於生徒甚厚
西齋即先生所居既去而人懷思之故祀諸此學使者
駱公為置祭田十畝從諸生之請也詳見繆文貞公祠
記中近以佃者弗良私鬻是用而祀將中絕諸生王文
震等咸不平訓導潘君惟隕失舊典是懼具以實白諸
當事蓋吳先生勤於其官於法得祀而主祀者實惟司
訓有其舉之莫敢廢也邑侯葉公乃奉督學鄭公檄釐
田歸縣斂租以供使姦猾罔可隱欺豪強罔可兼并春
秋之祀幾廢復興用是前賢永安而士論翕然矣先是
吳先生肇祀之年宰吾邑者有莆田宋公光蘭董其事
今葉公生同方官同邑而又同有力於吳先生之祀事
如此後先輝映何可弗書葉公名紹芳福建閩縣人康
熙庚辰進士為宰有惠政且能振起學校此其一事也

訓導潘君名謙光常熟鄉貢教諭則吳縣鄉貢王君奔章也學中諸子走書請曰願有記遂記之俾來者得考焉

書院

暨陽書院在學宮左先是學署內有講堂三楹為邑人課業地康熙間知縣陶燹題額記之歲久頽圯乾隆三年知縣蔡澍請於督學使者就東城棲霞精舍稍建書寮延山長主講席仍額曰澄江從古也其修脯經費則取給學租羨餘并學使者與長令協助焉壬戌秋大興廟學從紳士繆詵等請以僧舍非育才地改傍學宮為便乃即已廢講堂廓而新之前建門三楹後為廳事山長

江陰縣志

卷五

學校

書院

九

設講席於此廳後樓三楹其外庖湑寢處各有常所乾隆二十三年學使李因培以規制未備檄縣興建邑紳蘇士鎬陳昌齡等踴躍襄事不逾年落成易名曰暨陽書院其制講堂三楹堂之前為門門外為奎星閣堂之後為廳事廳事後為樓者二其六楹廳事之右為書舍其一十九楹山長署其軒曰輩學咸豐十年燬於兵燹同治十一年署縣林達泉詳請建復以是冬興工越明年落成計工料錢七千三百餘千沙洲蘆課項下分捐錢四千餘千其餘撥支存款公款易名禮延規模較為宏敞後樓本名懷德祀有功書院諸公神位侍郎彭毓麟改題景賢額中龕供季子栗主每歲孟夏致祭

署縣林達泉捐錢三百千委員徐先路捐錢五十千發典生息以為祭胙之費其院中舊管新
增田畝暨各捐款詳見於後

山長題名

沈 濤 字宏呂邑人乾隆丙辰進士

錢兆鳳 字在郊金匱人雍正乙卯舉人

邢 和 字紹聞邑人雍正癸卯副貢

李夢總 字登五嘉定人乾隆丙辰進士

華 翔 字世美金匱人乾隆戊午舉人

許廷鏞 字子遜長洲人康熙庚子舉人

方世壯 字冬日安徽桐城人康熙庚子舉人

方國柱 字敬亭安徽桐城人乾隆甲子舉人

侯陳齡 無錫人雍正癸丑進士

胡世科 字希哲安徽涇縣人乾隆己未進士

張 迪 字恂叔丹徒人康熙癸巳舉人

盧文弨 字紹弓浙江餘姚人乾隆壬申探花

謝祖庚 字韞輝常熟人乾隆戊午舉人

黃 甲 字萊坡江西廣昌人乾隆丙子副貢

江陰縣志

卷五

學校

書院

三

吳 哲 字頡賢武進人乾隆己丑進士

錢維喬 字竹初武進人乾隆壬午舉人

張潮普 字庶占丹徒人乾隆壬辰進士

伊 桂 字丹木山東歷城人乾隆辛未進士

李 惇 字孝臣高郵人乾隆庚子進士

李枝昌 字莪村浙江桐鄉人乾隆戊辰進士

葉紹榘 字琴柯浙江歸安人乾隆癸丑進士

徐 嵩 字朗齋無錫人乾隆丙午舉人

王 寰 字甸方金匱人乾隆庚戌進士

張 隆 字乙卯舉人安徽潛山人乾隆

潘曾起 字容齋宜興人乾隆壬辰進士

施鸞坡 字惺渠崇明人嘉慶壬戌進士

張 詒 字南溪崇明人嘉慶己未進士

應泰華 字藕船浙江永康人乾隆甲寅副貢

蔣泰階 字雲簪吳縣人嘉慶戊午舉人

殷長福 字伯謙甘泉人嘉慶壬戌進士

丁履泰 字安之武進人嘉慶己未進士

李兆洛 字申耆武進人嘉慶乙丑進士

楊景曾 字雋凡邑人嘉慶己卯進士

徐燮鈞 字傳兼武進人道光進士

袁績懋 字厚安武進人

汪彥樹 字夢梧江都人

朱蘭 字九香浙江餘姚人

林漸遠 字子涇六合人

李聯琇 字小湖江西臨川人

任重光 字靜山宜興人

楊泗孫 字濱石常熟人

咸豐癸丑進士

舊管原額田畝平北沙田四百五十一畝有奇段山沙田

五百九十畝有奇大陰沙田三千五百五十六畝有奇

白沙田七十四畝有奇 共四千六百七十餘畝 漕田三百三十八

畝有奇 陳志載舊置田畝乾隆間紳士捐漕田三百十

田一百七十四畝六分有奇丈增田七畝七分有奇丈

增岸一畝六分有奇續撥段山沙合界圩田八十二畝

江陰縣志 卷五 學校 書院 三

備奉檄清釐實存田二百八十畝九分有奇沙田三百六十七畝七分有奇

歷增田畝永凝沙田三百二十畝有奇平北沙田六百六

十五畝有奇正興等沙田三百四十七畝有奇白沙田

一百四十畝有奇興字圩田七十畝 共一千五百四十餘畝 同治

七年署縣汪坤厚捐置璜塘漕田八十畝有奇九年邑

紳季念詒捐常熟縣帶子沙田一千畝 陳志載新增沙田道光癸未署

縣王灃捐置大陰沙田一千五百八十畝九釐大陰沙

划場岸八百畝有奇草陰沙田七百九十畝三分有奇

捐款城典一鄉典五每月共捐錢三十五千文署縣馬鴻

翔詳準冬漕項下每石撥捐錢五文知縣沈偉田詳準

條銀項下每忙每兩撥捐錢五文以充經費陳志載原存生息銀

五千兩嘉慶間輾轉虧挪三千七十七兩七分六釐實

存二千餘兩覈錢二千七百千文又道光四年學使周

系英撥入義賑贖錢五百千文暨學使

辛從益捐洋銀三百圓均存商生息

重建書院記

國朝知縣 蔡澍

本朝

江邑人文甲吳會當元季時西山裔蔡以忠始建書院
至明代而東林講席盛於梁谿邑中不復更設逮入
集事訖散去桐山張公視學江左雅意作人余以雍正
乙卯冬吏茲土承張公指延邑進士沈君次山主教席
撥公田五十餘畝供師生廩餼膏火不足又與公括俸
以助張公內擢都憲劉公繼任分俸一如張公又親臨
書院訓迪之於是學者適迺然來矣而以棟宇欹頽時
方亟學工未暇修整遂相方城東精舍移院於彼嗣是
沈君謂選去延金匱錢君在郊繼席錢為余分校南關
所得士借學博田李二公先後與邑士興文勵行歲科
獲售食餼遊庠者多出院中邑人多歸績余者於戲此

江陰縣志

卷五

學校 書院

三

恃眷持

前後各憲振作之功并掌教諸君啟牖之力余何庸之
有壬戌歲巽牆事竣爰念書院寄僧舍觀瞻不稱於舊
講堂地復為門序堂位各三楹堂後為奎宿樓上下六
楹廊廡俱備夫物有以類而相從者書院之建於巽宮
者宜也考學記云小學離經辨志至知類強立大成之
期為數九年而官茲土者不逾時輒去惟桐山張公膺
盤錯今已八稔矣其與江上士民骨肉相期凡江之子
弟皆吾子弟江之師傅皆吾賓友有不日望其教學相
長觀摩相得以宏深醇邃之材儲公輔弼亮之器無負
各憲之栽培而可與聖賢相質對者歟則近聖人居者
又當思推己淑人之道不徒託之講誦必見之行事之
為深切著明也夫事不難與謀始而難與圖終惟茲書
院數百年來興廢迭乘繼今日而護持振興時其葺治
俾延陵風雅繩繩彬彬以綿教澤於勿替不
有藉於後之君子之與我同志哉是為記

興建書院記

國朝學政 李因培

暨陽有書院自元始州人蔡以忠創之修西山之學聞
於朝賜名澄江書院許北郭恕為山長益用實學厲多

命視學

士士風以振厥後漸廢弛至明遂圯三百餘年莫能復
建雍正乙卯青州蔡進士澍尹是邦始考故址創講堂
三楹而規制未備物力亦不支乾隆乙亥歲予奉
江西南至暨陽既入學釋奠退而臨視書院則湫隘無以
供游息念書院原輔學校所不及使學者習焉安焉相
觀而善今力既不足延明師無由作育人才廣

國家

德意心滋惡焉迨己卯春爰進都人士周諮僉以為非
改作莫能振興非捐輸莫由集事以一邑之餘力養佳
弟子而陶成之計莫便於此乃即故講堂拓而大之相
陰陽審面勢門庭堂廡以次繕完黝堊丹漆以時備具
費至若干緡復以其餘力置田若干頃為久遠計於是
規模始立已復為諸生求師得錢塘盧紹弓學士惠然
肯來擁皋比譚經一時人士競向風焉既予改視浙學
行有日矣邑人士礪石請曰微公書院莫能成乞為之
記則息遽未暇也此予復來而羣情益鼓舞續有捐輸
膏火之資亦益充士更蒸蒸向學會予復奉
念與多士相習久情固不能無言也夫書院之興莫盛
於南宋維時天下四大書院皆以大儒倡率從者至數
百人切劘乎身心性命其所造就蔚然為儒宗流風餘
思百餘禩而弗墜若蔡以忠許北郭皆私淑宋賢者也

命當去

江陰縣志

卷五

學校書院

三

聖天子

方今雅意作人古大學之教蔚然復興暨陽地雖小有鄉先
生之模範而又幸生
難人之情也靡不有初鮮克有終上之大患也予官於茲
前後凡八年恆以時至書院與多士相見察其行誼第
其學業見夫循循自好能養膏希光者私心竊喜之子
雖去固惓惓於暨陽弗能忘焉是役也輸財以俛助者
有邑之紳士多人董其成者為縣令汪君邦憲監院事
者為教官潘謙宏趙寅例得列名碑陰使來者有所勸
於是乎書

文治昌

重修暨陽書院增置沙田記

國朝巡撫陶澍

朝遷

建屢矣乾隆三十年學使滇南李公因培拓而大之改
題曰暨陽書院閱今六十載復就頽廢生徒充數道光
三年湘潭周公系英以戶部侍郎來視學慨然思所以
振興之捐廉倡葺復諭蕭令瑾檢核濱江沙漲之田三

江陰縣志

卷五

學校書院

三

千餘畝議購充經費遴委縣丞姚儲履畝勘丈未竣事而周公卒於任余來蘇時屢諭王署令澧及姚丞以勉竟厥緒規程一切則致書山長李先生兆洛俾衡定焉今秋姚丞以咨部畝冊至且述紳士意求紀顯末喜其事之克成也援筆記之兼以爲諸生勗口書院之設所以佐學校廣教澤也今直省州縣莫不有書院率多虛設未能有實濟乃江陰則以學使者所駐劄目擊心籌如前李公與周公皆肫然以諸生之業爲業而經之營之勞來之飲食之一時令丞因得以附益而玉成之夫豈以增益升斗博諸生感激之虛譽哉固將大有造於諸生也夫膏火不繼無以示獎勵未能養而言教司牧者之責也若獎勵之資已裕而學之不進行之不修則亦諸生之恥也昔陸子靜在白鹿洞講君子喻義章聽者流涕朱子以爲切中隱微深痼之病誠學者所宜致思矣江陰在江以南爲文章節義之區如往時殉節守城以一典史爲之倡而庠生紳民同心蹈死至數萬人其忠義耿耿歷久猶生足以立頑而起懦余頃採芻議謂祀典尙有遺者復搜軼事而表章之矧諸生生長浴涵濡其所志當更有進於此者觀李先生所定規程余尤爲諸生歆焉是舉也登高之呼實賴周公蕭令瑾籌議以發其端王令澧捐資以亟其成奔走履勘則姚丞之力也其董事及洲畝息金歲入歲出之數另書於石以示久遠

捐置暨陽書院沙田記

國朝知縣王澧

江陰之有書院也自元蔡君以忠捐別業創之詔賜澄江書院名逮明廢圯萬歷丁巳歲知縣宋君光蘭教諭梅君敬祖於學宮啟聖祠後重建堂楹爲邑人講習之所康熙中學官荆君子邁陳君寅亮修之增葺者則知縣陶君彝蔡君澍而邑人朱君景標亦助田五十餘畝爲膏火資焉乾隆三十年學使李公因培始拓而大之更名暨陽書院規制略備經費未充極之三年學使周公莅澄江慨然振其廢弛既捐廉倡修又爲圖生童膏火久遠之計會縣有新漲大陰沙田二千三百八十畝零草陰沙田九百二十畝零知縣事蕭君白之周公請於方伯撥入書院邑丞姚君躬履海濱勘丈繪圖事未集而蕭君以憂去越二年子始來攝縣事諏稽地治辨政役之施舍觀風書院校士習之勤

情因進其紳士問所撥沙田足充經費與否僉言沙田
例繳部價銀每畝八錢合計所撥當繳銀二千六百兩
而贏議以田所入租分五年繳司俟繳清之後乃以租
入充經費子念院中需此孔急遲之五年則已有名無
實又歲月愈遠人事愈不可知小動搖則善舉復壞
子雖權事忝為士民一日之長不敢以非其責辭也乃
哀所入俸廉傾其橐代之一限并納列其情上大府大
府以爲宜乃於八年二月十八日彙銀解司準庫收存
檣然後書院經費即時可以無乏邑士紳復相與條定
章程俾可遵守然距周學使定議時已五年矣子之爲
此徒以繼前令之所未竟以成學使周公之盛心藉以
出入謹收支益恢而大之意靡舉其端而已耳至於權
稽古修身慎行卓然爲
名臣濟美於邑中先正能無望於肄業於此者乎邑士
紳來請曰願有記也爲書而揭諸壁周公名系英湖南
湘潭人蕭君名瑾浙江山陰人姚君名儲安徽桐城人
書院董事則邑人祝君登墀沙君昂取君觀光李君鼐

重建禮延書院記

國朝知縣 林達泉

江陰縣志

卷五

學校 書院

子少時讀書即深慕延陵季子之爲人以其春秋以來
管仲子產外高風碩學以延陵爲最每讀其來聘一篇
究風雅之盛衰論韶武之善美與宣尼刪定若合符節
而所交當世名卿大夫遽瑗史魚叔向輩皆我夫子所
推許輒不禁流連三復願奉瓣香去年夏奉檄江陰江
陰古延陵季子舊封也生平傾企幸履名區下車觀風
卽感邑人何白律句蘋藻惟羞季子祠命題蓋以誌嚮
往之願敬禮之誠也邑故有暨陽書院兵燹後瓦礫榛
蕪生師散處爰商之紳董籌款重建因仍舊址拓煥新
模於今年三月落成以暨陽義無所取署吳縣高君心
夔爲易禮延書院並舉後漢書任延爲會稽都尉靜泊
無爲唯先遣饋禮祠延陵季子爲言與子意有合邑士
夫亦以爲然適侍郎彭公玉麟閱軍臨江爲之榜書而
供奉季子棠主子因爲文以記子維南中文學首溯子
游以季子鴻識多聞洞乎禮樂之源比於言氏疑高一
席況夫讓國全倫掛劍旌信篇籍流傳懋垂千載江陰
接壤海虞而海虞書院宗師言氏命曰游文季子系秦
伯之至德開江南之風氣獨缺而弗禮是邦大夫之責
無以爲多士模楷也且江陰爲吳中巨邑名卿魁儒後
先相望

國初效忠抗節闔城殉難泊乎髮逆之亂死義者尤僂指難數蓋文章氣節爭自濯磨已非一日禮延陵而益資觀感當必有蒸蒸日上者是則予之所厚望院成聘宜與任先生重光來院上講前輩典型士論翕然宗之至於籌議紳董則徐太史文洞金觀察國琛陳太守榮邦夏司馬焯如經辦紳士則季廣文榮恩朱上舍齡章大學樽也邑西申港有季子墓十字穹碑巋然叢莽相傳爲我夫子手筆疑真疑贗未有定論維子游南產而季子又夫子所稱爲習禮者其有碑焉或者非誣予方議修其祠更將爲繞墓遍樹梅花異時諸生謁祠瞻眺亦有以寄仰止高山之思云是爲記

西郊書院在後梅鎮同治元年邑人金國琛請於邑侯集貲創建以爲西鄉十鎮生童肄業之所其制門屋三楹上建奎星閣中爲講堂旁爲書舍至膏火之資署縣汪坤厚詳撥已廢不列祀典菴廟田產暨報買沙灘圍田

江陰縣志

卷五

學校 書院

美

充費田數列後

山長題名

夏子重 字威如邑人 恩貢生

卜文煥 字崧生常州人 甲子科舉人

管業詳撥不等漕田八百畝有奇陽邑漕田七畝有奇增置漕田五十一畝有奇沙田一千七十六畝有奇武邑田四十三畝有奇灘二百五十畝有奇

創建西郊書院碑記

邑人 金國琛

古者鄉有校黨有庠術有序家有塾所以端教化養人才胥於是乎在書院之設猶是意也吾邑城向有暨陽書院而邑西十鎮距城數十里而遙士子艱於跋涉每值課試常以不得往與爲憾庚申亂後國琛自戎幕假

上御極

聖天子

歸白於邑侯謀之鄉人議別創書院額曰西郊遂詳請以西十鎮之無主寺觀田產充公又報買沙灘園田以為經費維時邑侯先籌公款錢入百串國琛亦捐錢四百串以為經始今

舍為門屋三楹上建魁星閣其中為講堂兩旁為肄業之舍維隙地尚待續建而輪奐斯崇規模粗具十鎮之士庶幾無跋涉之勞得觀摩之助樂羣敬業文運其由是興乎而國琛之說更有進焉者近時書院大都以工詞章掇科第為先務揆之古者端教化養人才之意未必盡同蓋文藝末也德行本也吾願鄉之士入孝出弟講讓型仁研之於經傳以植其基博之於史以擴其量則發為文章出為政事必有斐然可觀克自樹立者於以紹述先哲仰答

澄江書院在武廟西偏元州人蔡以忠以別業建講堂與生童講學於內有司上其事設山長官一員領之并

江陰縣志

卷五

學校

書院

三

賜今額革代後廢

延陵書院在城隍廟右明成化五年同知謝庭桂倡始

吳氏後裔捐貲協建嘉靖間知縣李元陽迎季子神位

於堂而祭之萬厯初改總練官署崇禎末兵燬

梧溪書院在席帽山下嘉靖間知縣李元陽建後廢

愛溪書院在學內隆慶間訓導范承寵捐俸構講堂三

楹濬沼築垣以課諸生署縣高捷即其地題曰愛溪後

廢

梅花書院在君山尸祝學使蘇銓處年久圯廢嘉慶間

諸生曹大鈞何春煦集貲重建並設號舍數十間學使

湯金釗曾令書院諸生會課於此咸豐十年燬

陽城書院在學宮南康熙閒陽城張泰交視學江左清

介拔俗邑人定海令繆遂建此以誌遺愛咸豐十年燬

桐山書院在廣福寺右邑人蔡寅斗高文棟以學使張

廷璐莅任九載教思所及歷久弗諼建此尸祝今廢

錦帶書院在顧山山故有梁昭明太子讀書樓知縣蔡

澍旁構院舍五楹署曰錦帶因太子有十二月錦帶書

用以誌美也

右自梅花書院以下非生童肄業所以同書院之名故連類附載

社學

養正書館在學宮東南明天順間提學御史陳選創建

江陰縣志

卷五

學校

社學

三

歲久蕪廢市民踞之宏治時知縣黃傳逐民出延師招

民間之秀并拔取附城社學諸生教習其中其制前為

門北嚮入門為前庭內為廳事四周為書舍更後為院

院中有池

邑人吳仲義捐助

臨池為小軒總其地北東西二十

九步南北一百四十七步萬歷間知縣宋光蘭改為推

官行署入

國朝以兵火廢里民即其地構土神祠

東門社學在里仁坊北亦御史陳選建宏治十年知縣

黃傳修嗣是推官王鈞知縣謝甯郝敬相繼增葺周垣

凡三十四丈入

國朝棟宇盡廢乾隆間諸生徐方行呈請修復未果地在火神廟旁

地字四十號丈基一畝二分四釐四毫一絲六忽

西門社學在天慶門內宏治十五年知縣涂禎創建周垣凡二十三丈今莫詳其處

虹橋社學在虹橋東正德十三年推官王鈞改火星廟為之方志稱深邃曠邈今廢為江城第一社學

北門社學在縣治西北北嚮基地三分今廢其址亦沒為民廩

義學

義學初無常處明正德間知縣萬玘於在城及四鄉大

江陰縣志

卷五

學校

義學

五

鎮創設至

國朝各州縣節次奉文廣設義學知縣蔡澍以次增創乾隆

癸亥城鄉開設始遍嗣後迭有興廢道光丙午年署縣

陳延恩勸捐興辦在城恤孤義塾南外北外以次舉行

咸豐庚申燹廢同治五年巡撫丁日昌通飭各屬廣興

義學署縣汪坤厚遵御史王書瑞奏定章程將不列祀

典菴廟田產詳請撥充經費是以各鄉創設數十處庶

孤寒子弟咸知向學焉

城內三塾

原設五塾現建三處

一在南街準提菴故址

一在大街文亨橋西同

治十一年建屋五間廡屋二間一在南街興國寺西原購劉姓房屋四間同治八年修葺原置漕田三百七十

畝有奇沙田一百二十八畝有奇查出已廢義學田十
三畝有奇撥田二十畝有奇新置漕田九十六畝有奇
南外一塾在陳家橋東法喜菴故址同治十年建屋三
奇撥田四十八畝有奇陳
家橋堍下樓房上下六間

北外二塾在拱北壇東同治五年購基建屋六間廂屋
十二畝有奇新置沙灘三百七十畝有奇浮

橋東岸房屋九間二側現設江海關稅房

雙牌二塾一在頭保同治五年建屋三間一在七保東
二畝有奇太平廟撥田一百四十九畝有奇山一百二十

廟市房五間

三官二塾一在二保三官殿故址同治七年建屋十間
廂屋六間一在石牌保惜字局撥田一百七

十四畝
有奇

長涇二塾一在十保興濟菴故址同治七年建屋五
間一在鎮南義烈祠撥田二百畝有奇

江陰縣志

卷五

學校 義學

三

觀山二塾一在二保同治十年建屋三間一設四
河口圓通菴撥田一百七十一畝有奇

璜塘一塾在天寶閣故址光緒二年建屋
三間撥田一百四十八畝有奇

夏港一塾設關帝廟原置田三十畝
有奇撥田九十六畝有奇

雲亭塾原報二處一設三官堂撥
田一百六十七畝有奇

峭岐塾設猛將廟撥田一
百二十二畝有奇

月城塾設黃梅菴撥田一
百二十二畝有奇

長壽塾原報二處撥田一
百七十二畝有奇

周莊塾原報三處撥田一
百七十二畝有奇

顧山塾原報一處撥田
二十四畝有奇

馬嘶塾原報三處撥田
九十三畝有奇

華墅塾 原報三處撥田一

祝塘塾 原報一處撥田一

文林塾 原報二處撥田一

大橋塾 原報四處撥田一

謝園塾 原報一處撥田一

綺山塾 原報一處撥田一

花山塾 原報一處撥田一

蔡涇塾 原報一處撥田一

夏城塾 原報一處撥田一

黃橋塾 原報一處撥田一

江陰縣志

卷五

學校

義學

三

青陽塾 原報二處撥田一

泗河塾 原報二處撥田一

馬鎮塾 原報二處撥田一

葫橋塾 捐撥田四十

丁墅塾 原報一處撥田一

桃花塾 原報一處撥田一

楊舍塾 在范港保周巷光緒三年置買瓦房二間基地

原切復漲田四十八畝

沙洲五塾 一設寶善堂經費即由善堂開支一設年豐

鎮周孝侯廟一設中正鎮猛將堂同治八年署縣

汪坤厚詳定每年由縣捐廉二百千文以充脩脯

三官義塾碑記

署縣 汪坤厚

余丁卯秋權篆澄江見窮簷子弟甚有清秀者非役樵蘇牧豎即荒戲無度急思設法教道之使質美者可以造就愚鈍者亦不至不識之無是非設義塾不可查城鄉舊設本不多兵燹後越有重興者亟為籌款建立共六十餘處并撥不列祀典已燬之廟產各歸各鎮以充塾費邑其得三千數百畝是亦化無用為有用也三官鎮向有三官廟粵匪之變燬於火竊謂重葺而龕神不如改塾而設教且為講鄉約之所則崇實學即以敦風化而何懼民之見異思遷也爰請楊茂才敦詩諸君任其事撥廟田若干畝作經費用不敷又向鎮中集腋焉鳩工未竣余奉檄調署京江閱一載楊子來謁告塾落成并示以圖堂廡庭階位置井井所列條約亦周詳妥貼行見發蒙養正羣欣馬帳之傳經摩義漸仁無異虎門之讀法從此人文蔚起風俗敦龐余實有厚望焉

長涇義塾碑記

汪坤厚

聖天子

慈幼之心蒙諸大憲育才之諭立義塾六十八所揭為

江陰縣志

卷五

學校

義學

三

獨碑於此蓋自兵燹以來隨在垣墮址敗舉比設座半雜塵囂而長涇鎮南市已將昔之留嬰堂修葺易以講堂猶悉教澤未周董事包註包棟成張寶儉添設一塾於鄉眾姓踴躍集捐得錢二百餘千卜吉興濟禪院故址特建五間去冬經始新春落成雖不足為廣廈而寒士已有歡顏者是不可以不志爰碑之以示不朽云

鄉約

鄉約田共一百九十二畝二釐五毫六絲八忽四微坐落璜塘馬鎮青陽蕭崎祝塘等鎮同治七年巡撫丁日昌通飭各屬宣講鄉約城鄉共舉講生五名兩學輪流督率按月宣講六次知縣每月捐廉錢二十五千文分送講生薪水邑人鄭經著現行鄉約錄附後

現行鄉約錄

邑人 鄭 經

鄉約古制也乃聖王設教之綱領也聖王之道放之則彌六合卷之則退藏於密其理無窮而咸寓乎鄉約中矣聖王之之道萬古常昭者明德新民之理成己成物之功贊天地化育與天地合其德也於是推其法天則自強不息象地則悠久無疆聖王之道誠與天地同流也鄉約之制豈淺鮮哉我

江陰縣志

卷五

學校 鄉約

三

皇帝廣訓十六條頌行天下闡發大道所以化民成俗克己歸仁誠盛典也江陰宜講鄉約由來久矣而未專設局其設局則倡之宗師邑宰成之城鄉紳士時在咸豐三年粵匪熾張金陵時常郡奉大吏通飭保衛江邑亦奉檄團練越一載前任學憲奎慮團練之未能精銳及經因言團紳士共商妥善之法經亦參與其末名詢鶴交警人情洵若僅講團練不以其力必練其氣刻下風練丁則忠義明而果敢氣作矣愚頑則孝弟敦而守望志堅矣是時宗師邑宰聞之曰善囑經辦理經以經費

之無等人才之難集辭適同志趙銘普云錫邑文生余治前經奉府尊明文贊隨總董汪本銓趙振祚四鄉宣講化導愚頑眷眷於此者二載矣乃敦請余君彙合常郡紳士具稟大宗師奎謁告陳令設局宣講自城及鄉由是感動有心明理者如章第榮父子常大元兄弟周廣良楊廷植尤紹梅且馮翼郭徵祝維祺莊泰交李翰芳莊俊等其理局務或助經費以置田產或任宣講而忘勤勞或揮筆墨以感發仁心或效奔走而歲成善舉東向常昭南抵蘇省錫金咸勸立局呈請督撫學諸大憲通飭推行並集刊鄉約本呈制憲頒發州縣以冀道一風同庚申之變善舉中輟今幸

見士品日端人心日正江陰現奉檄行講約蒐考舊章彰而古制於焉可復矣江陰現奉檄行講約蒐考舊章無如鄉約刊版已遭焚燬六七年來諸局董風流雲散葉落霜彫深為扼腕諸董裔不忘前矩獲思刊舊本爰邀舊董常善元莊俊李翰芳暨董裔常祝常申常珊常炳常協莊桂生等集議曰吾等幸脫兵災復歸梓里欣逢

仁風廣被急宜獻此芻蕘以報
國恩於萬一欲付刊者願任刊刻之勞議定囑經題跋經深
知昔年設局之由不敢以不文辭嘉平月刊工告竣閱
讀一週首頁恭書

聖天子諭

可見軫念黎元化周遐邇是王道平平也次列禮部則例可
忻鉅典率由承宣惟謹是布政優優也次集藍田呂氏
說可見正己正人之學後先同揆也中列各大憲稟詞
條程因時制宜之道苦心孤詣也繼列各大憲批詞告
示洞鑒民情懇切勸誡移風易俗之深意也後載勸善
諸說可見老安少懷之道濟人利物之心拳拳可則也
未附撫郵數篇可知能得鄉約意者因教而推及養因
養而歸於教是鄉約不特言教而已也懿夫幼而學者
壯而行共守先王之道修於家者獻之廷咸傾草野之
忠

聖朝

二百餘年陶育人材

恩溥

中外即一江陰叢叢之區猶有贊育化功之人九州之
大八垓之廣

皇道之行真蕩蕩難名矣

江陰縣志

卷五

學校 鄉約

三

賓興沙灘同治十二年署縣林達泉捐銀三百兩又撥公
款銀五百兩報買攔門沙灘地一千畝俟圍築成田徵
租充費先於同治七年知府扎克丹在勸農項下撥牛
種錢二千緡有奇發舖生息光緒二年署縣金吳瀾詳
撥運河工程餘款錢二千一百九十千有奇照章生息
於鄉會試之年將息錢分給多士

同治初年鄉宦集貴在 都城順治門外購買民房以
作會館并籌沙田三百畝作修葺費計借北上者有所
厦庇故 附載焉

江陰縣志卷之五終

